

齊源縣志卷四

祀典

濟有專祀濟瀆是也北海之祭康熙年間廷臣議改而

聖祖俞之祀爲國之大事

皇朝禮明樂備而於

文廟尤多

盛典壇壝祠宇各有儀文舊志所未載者補之軒轅祭天於天壇傳聞之言旣不可信後世間亦舉行然不在祀典則仍缺之志祀典

濟瀆廟

在縣治西北乾隆二年奉勅重脩巡撫尹會一有記

御祭祭品

帛一

爵三

大羹一

和羹二

黍

稷

稻

粱

形鹽

藁魚

棗

栗

榛

菱

芡

鹿脯

白餅

黑餅

韭菹

醯醢

菁菹

鹿醢

芹菹

兔醢

笋菹

魚醢

脾胾

豚胎

牛一

豕一

羊一

神位之前設帛以筐獻酒以爵爵之前中爲大羹盛

之以登左右爲和羹盛之以鉶前有簠簋各二以盛

黍稷稻粱

四者皆煮爲飯

其左簠十以盛形鹽藁魚棗栗

四簠

居中與榛菱芡鹿脯

四簋居左之左

及白餅黑餅

一簋旁列分前後

右豆十以盛韭菹醯醢菁菹鹿醢與芹菹兔醢笋菹

魚醢及脾肝豚胎

各豆陳設之次如左

牛羊豕以俎盛之

形鹽卽食鹽藁魚卽乾魚也白餅用小麥麵黑餅

用蕎麥麵菹皆生用洗淨醢醢用猪肉皮切絲加

醋酒其餘亦皆碎切用油醬炒熟脾肝用牛蒹皮

切絲豚胎用猪肉切方塊亦皆煮熟

舊志祭品缺註且多訛謬今參考各志謹爲改補并略敘陳設之次以昭示來茲

北海神

御祭祭品同濟瀆廟

康熙二十六年六月內奉文

北海神改祭混同江

御祭祭文

世祖章皇帝親政祭告濟瀆神文

順治八年
官設國璋

遣

維神毓精玉屋致雨興雲坎德靈長澤被萬物歷代

帝王咸敦禋祀朕誕膺

天命紹纘丕基用率典常命官致祭惟神鑒焉

祭告北海神文

維神源疏朔漠派衍天墟滙大盈汪洋重濶朕誕膺

天命淹有多方謹遣崇官代陳殷荐伏惟鑒享

順治十八年遣官冀如錫康熙六年遣官艾元徵祭文同前不具錄通志所不載者亦不錄

聖祖仁皇帝以疆宇蕩平祭告濟瀆文

康熙二十一年遣官圖納

維神清澄秉德隱顯昭靈美利不言神功獨運朕祇承神佑疆宇蕩平特遣崇官用申殷荐惟神鑒焉

祭告北海文

維神波涵溟渤澤浸幽營溥潤無方時盈不竭朕祇承神佑疆宇蕩平特遣專官用申殷薦惟神鑒焉

聖駕巡幸祭告濟瀆文

康熙二十三年遣官鄂爾多

維神毓靈玉屋導沆截河蕩垢清流通和潤物朕祇承神佑稽古省方特遣專官用申殷荐惟神鑒焉

祭告北海文

維神瀚海之域委羽之區地六儲精天一定位朕茲省方時邁稽古常經特遣專官祇脩祀事神其鑒焉

孝莊文皇后祔廟祭告濟瀆文

康熙二十七年遣官對親

維神伏地成流截河赴海淵源王屋沾灌數州朕續承

祖宗丕基虔恭明祀茲以

皇祖妣孝莊仁宣誠憲恭懿翊天啓聖文皇后神主升祔太廟禮成特遣專官用申秩祭惟神鑒焉

蕩平漠北祭告濟瀆文

康熙三十六年遣官特默德

維神秉德潔清狀流隱見孕靈王屋作潤岱宗朕以勦除狡寇三履遐荒期掃邊塵乂安中外今者祇承神佑塞外永清用告成功專官秩祀惟神鑒焉

萬壽五旬祭告濟瀆文

康熙四十二年遣官鍾申保

維神秉德潔清伏流隱現千里沾潤萬載安瀾朕祇
承休命統馭寰區夙夜勤勞殫思上理歷茲四十餘
載今者適屆五旬海宇昇平民生樂業見輿情之愛
戴沛下土之恩膏特遣專官虔申秩祀尚憑靈貺益
錫蕃禧佑我國家共登仁壽神其鑒焉

萬壽六旬祭告濟瀆文

康熙五十二年
遣官李先復

維神隱見分流潔清秉德安瀾千里沛澤群生朕繼
受鴻圖撫臨區宇殫思上理夙夜勤求惟日孜孜不
遑暇逸茲御極五十餘年適當六旬初屆所幸四方
寧謐百姓入和稼穡歲登風雨時若維庶徵之協應

爰羣祀之虔脩特遣專官式循舊典冀益贊雍熙之
運尚永昭仁壽之休俯鑒精忱用垂歆格

孝惠皇后祔廟祭告濟瀆文

康熙五十八年
遣官魏廷珍

維神導源玉屋流潤青齊德秉長清功高永利朕纘
承

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔
太廟禮成特遣專官用申秩祭惟神鑒焉

世宗憲皇帝嗣位祭告濟瀆文

雍正元年
遣官瓦渾係

維神隱見分流潔清秉德安瀾千里沛澤羣生朕纘

受丕基新承景命竊念

皇考膺圖以來百靈効順四海從風坐享昇平六十餘載茲當嗣位之始宜隆祀享之儀特遣專官虔申昭告惟冀時和歲稔物阜民安淳風遍洽乎寰區厚德長敷於率土尚其歆格鑒此精誠

加封濟渚神號祭告文

雍正三年官紀成斌

遣

維神一清著德善下安瀾導沅濬源溢榮分派朕撫馭寰區考稽典禮將祈福以庇民宜加封而致祭爰命所司崇神封號曰北瀆永惠大濟之神所冀波瀾永息蒸黎獲利濟之安風雨以時稼穡享屢豐之慶

神其昭鑒來饗苾芬

以上俱載河南通志

今上嗣位祭告濟瀆文

乾隆元年
遣官王弘

維神導源王屋澤潤充郊清澈衆流靈昭伏見朕纘
承大統仰紹前徽伏念

皇考臨馭以來敬禮明神肅將禋祀靈祇孚應昭受鴻庥清
宴奠安茂登上理茲當嗣位之始宜隆望秩之儀特
遣專官虔申祭告惟冀雨暘時若年穀順成萬方蒙
樂育之休兆姓荷綈幪之德尚其歆格鑒此精誠

聖駕巡幸中州祭告濟瀆文

乾隆十三年
遣官胡振細

維神源從導沈功著截河伏以流謙清之不濁朕祇
承默佑稽古時巡爰遣專官周申殷荐神其鑒焉
邊徼敕寧

中宮攝位恭上

皇太后徽號祭告濟瀆文

乾隆十四年
遣官顧汝脩

維神源分沈水功截河流潛伏地中清而不濁茲以
邊徼敕寧 中宮攝位

慈寧晉號慶洽神人敬遣專官周申殷荐神其鑒焉

皇帝冊立

皇后恭上

皇太后徽號祭告濟瀆文

乾隆十五年
遣官周長發

維神源分沅水功截河流潛伏地中清而不濁茲以

正位中宮鴻儀懋舉

慈寧晉號慶洽神人敬遣專官用申殷荐神其鑒焉

皇太后萬壽加上

徽號祭告濟瀆文

乾隆十七年
遣官朱琪

維神源分沅水功截河流潛伏地中清而不濁茲以

慈寧萬壽懋舉鴻儀敬晉

徽稱神人慶洽爰申殷荐特遣專官神其鑒焉

平定準夷加上

皇太后徽號祭告濟瀆文

乾隆二十年
遣官謝洛生

維神衍派常山分源沅水潛通地脉廣沛清流茲以
平定準噶爾大功告成加上

皇太后徽號中外同歡神人洽慶敬遣專官用申秩祭惟神
鑒焉

回部悉平祭告濟瀆文

乾隆二十四年
遣官龔學海

維神衍派溫城溯源王屋亘數州而襟帶分二道以
滌洄濁不撓清水德能消夫氛壅潛而必見地維常
貫於廣輪茲以回部悉平遠人胥服大功既奏慶典
斯昭合薄海以懷柔百神咸秩將大川之禋祀列岳

攸同遣我專官尚其來格

御賜匾額

康熙三十七年

御書沈濟靈源頒懸淵德殿

乾隆三年

御書流清普惠頒懸淵德殿

祭告之文

皇言爲重如綸如緯典禮光昭非尋常藝文所可比也今敬錄之載於祀典若前代碑文豈能備載擇其愛勤爲國愛民事神者分別抄存仍冠於藝文之首

濟源縣志卷四終

濟源縣志卷五

祀典二

文廟

唐武德二年詔國子學立孔子廟郡縣立祠則自貞觀四年始

每歲春秋仲月上丁日致祭

正殿

至聖先師孔子

祭品

牛一 羊一 豕一

帛一

兔一

四配

宋咸淳三年定四配十哲享於廟中

祭品左右各

籩豆二 豕一

兔一

帛二

十哲

康熙五十一年陞宋儒朱子乾隆三年復陞先賢有子